

GAL (<https://www.festivaldecans.gal/gl/a-inauguracion-da-exposicion-do-proxecto-co-que-a-compostela-maria-meijide-retrata-cans-dalle-inicio-a-semana-grande-do-festival/>)

**f** (<https://www.facebook.com/festivaldecans>) **t** (<https://twitter.com/festivaldecans>) **i** (<https://www.instagram.com/festivaldecans>) **f** (<https://www.flickr.com/photos/festivaldecans/>) **Y** (<https://www.youtube.com/user/festivaldecans>)



# festival<sup>®</sup> de Cans

(<https://www.festivaldecans.gal/gl>)

16-20 de Maio 2023  
XX Aniversario

 (htt  
/sen

Utilizamos cookies.  Acepto  Rejecto [+info \(/aviso-legal/\)](#)



## A INAUGURACIÓN DA EXPOSICIÓN DO PROXECTO CO QUE A COMPOSTELÁ MARÍA MEIJIDE RETRATA CANS DALLE INICIO Á SEMANA GRANDE DO FESTIVAL

Despois da boa acollida da retrospectiva **Kleber Mendonça Filho** a pasada fin de semana, continúan as actividades previas do Festival de Cans coa inauguración, ás **20 horas de mañá martes**, da exposición '**O sur de Galicia parece de Hopper**' (**Cadernos de Cans**). Nela, a artista plástica compostelá **María Meijide** (1978) presenta os traballos que fixo en Cans nos últimos anos. A pintora traballou neste proxecto a partir de motivos da aldea e a súa paisaxe natural e humana. Polas obras desfilan veciñas da Cans coma a señora Alicia, a icona do can amarelo, ou o impacto da autovía na vida da aldea. A mostra inaugúrase ás **20 horas** no **Círculo Recreativo Cultural (CRC) do Porriño**, onde permanecerá aberta **ata o día 31 de setembro**.

María Meijide visitou o Festival de Cans hai tres anos e despois, e co apoio do certame, realizou varias estadias artísticas na aldea. O resultado de anos de traballo é '**O sur de Galicia parece de Hopper**' (**Cadernos de Cans**). As obras retratan esa Galicia do sur, periurbana, e salferida de estradas e polígonos industriais. E fanlle unha chiscadela ás pinturas realistas do estadounidense Edward Hopper, (1882-1967): nos cadros do pintor norteamericano, a arquitectura e maila paisaxe conflúen nunha beleza industrial desvencellada e moi recoñecible.

A inauguración da exposición de María Meijide, especializada en pintura figurativa de formato grande e cadernos de viaxes, será a primeira actividade da semana grande do Festival de Cans, que se celebra entre o mércores e o sábado. O certame traballa na promoción do diálogo entre o cinema e outras disciplinas artísticas. De aí que organice estadias para creadoras e creadores na aldea, que xa deran resultados en anos anteriores coma o libro '**Cans**', de **Carlos Meixide**. O seu autor volverá facer este ano un roteiro cinéfilo-literario pola aldea para o público do Festival. Será o vindeiro venres 3, ás 10,30 horas. Para participar nesta actividade de balde e cun aforo reducido a 20 persoas, é preciso inscribirse na tenda en liña do Festival de Cans: <https://tenda.festivaldecans.com/> (<https://tenda.festivaldecans.com/>).

## ESGÓTANSE AS ENTRADAS PA O FESTIVAL DE CANS 2021

A venda de entradas avanza rapidamente na XVIII edición do Festival de Cans. Apenas queda aforo dispoñible para a sección oficial de ficción e animación, as curtas a concurso que se proxectan este sábado día 4, o día grande do certame. E a programación musical está a piques de pendurar o cartaz de 'sold out'.

Os concertos programados polo Festival de Cans tamen exploran, en boa medida, na relación entre música e cinema. É o caso da actuación de **Maika Makovski**, tamén creadora de bandas sonoras para películas. Xa esgotou entradas. E apenas quedan para a presentación de '**Chisme**', o proxecto musical do dramaturgo e actor ourensán **Fernando Epelde**. O aforo para a gala final e o concerto de **Ses** leva días esgotado.

**A venda de entradas en liña pecharase o martes, 31 ás 23.59 horas.** Por motivos relacionados co rexistro dos asistentes e derivados do protocolo Covid, dese día en diante non se venderán máis entradas, Tampouco poderá inscribirse ninguén para ningunha actividade. Nin se venderán entradas o día do Festival.

Mesmo se está a rexistrar unha moi alta demanda de artigos conmemorativos do certame coma as camisetas, con moitas tallas xa esgotadas. As que aínda están dispoñibles, o mesmo cás tazas ou chaveiros, poden mercarse nos puntos de venda de **Nikkis Galicia**, na **Tenda Tía Tata** no Porriño, ou no **Bar de Olga** en Cans.

📅 30 de Agosto de 2021 (<https://www.festivaldecans.gal/gl/a-inauguracion-da-exposicion-do-proxecto-co-que-a-compostela-maria-meijide-retrata-cans-dalle-inicio-a-semana-grande-do-festival/>) 👤 Festival Cans (<https://www.festivaldecans.gal/gl/author/iago/>) 📁 2021 (<https://www.festivaldecans.gal/gl/category/2021/>), novas festival de cans (<https://www.festivaldecans.gal/gl/category/novas-festival-de-cans/>)

[QUEN SOMOS? \(HTTPS://WWW.FESTIVALDECANS.GAL/GL/QUEN-SOMOS/\)](https://www.festivaldecans.gal/gl/quen-somos/)

[DOSSIER 2022 \(HTTPS://WWW.FESTIVALDECANS.GAL/WP-CONTENT/UPLOADS/2022/05/DOSSIER-FESTIVAL-DE-CANS-2022.PDF\)](https://www.festivaldecans.gal/wp-content/uploads/2022/05/DOSSIER-FESTIVAL-DE-CANS-2022.PDF)

[CONTACTO \(HTTPS://WWW.FESTIVALDECANS.GAL/GL/CONTACTO/\)](https://www.festivaldecans.gal/gl/contacto/)

[AVISO LEGAL \(HTTPS://WWW.FESTIVALDECANS.GAL/GL/AVISO-LEGAL/\)](https://www.festivaldecans.gal/gl/aviso-legal/)

Festival de Cans® 2023 | Desarrollo Web: QUADRALIA (<http://www.quadralia.com>)

